

Enno'sa' Kareta Ipuru Amu' Ena' Ekamanin

Enno'sa' Kareta Ipuru Amu' Ena' e'menuka'pu tamu'kuru' tawon kon Kuri'san amu' ena', tewa'nomanin kon epamu wenai Kuri'san pe te'to' kon uya apurito' innonkapai te'san. Imenukanin uya to' pori'mapitu to' uya apurito' yau Sises Kurai esi i'nai ri Papa usenpoikasa' pe tukai' enpoika tauya wini kuru. Seri kupu tauya pi' osoruwawon ton i'nairon ton pi' iyetu'kapitu: wapiya, Sises esi inkeru' ri Papa Mumu pe, isenupasa' ru'pu i'nai ri main awiri e'nito' pi', Ikuipunu pi' tekota'mato' tanmoronka'pu poro. Papa Mumu pe tesi ke, Sises esi eke pe pu'kena' amu' Penaro' Ekonekan nito' awon kon, inseru amu' miri awonsi'ki Mosi' ri entai. Itisakon pe, Papa uya Sises ekamasa' inkeru' ri use'man nito' tarawasomanin pe eke pe Penaro' Ekonekan nito' awon kon use'man nito' tarawasoma entai, miri awonsi'ki itosoruwano pe, Sises poro apurinin epika'ti makoi, enari'ke' pe te'to' miri awonsi'ki uma'tan nito' piyapai; Sises si use'man nito' epuru pe esii'ma uya si i'nai ri epika'tin nito' taru, ento' ipi' pe iye'sa' ru'pu iku'to' pe inonkasa' miri awonsi'ki o' ke use'man nito' Ipuru amu' ipuremato' ekareei wini.

Ipan pe tanmenuka'pu ennin nan panama iya apurito' tauya'nokon yau to' uko'manto' pe miyari iu'matu pu'ku pona, Sises pi' tenu kon tutuse, miri awonsi'ki imoronkanin pe i'ri ri ekota'man nito'

esi a'tai miri awonsi'ki isi yau tuku'to' kon eporo tuya'nokon a'tai. Kareta uta'koro panaman nito' miri awonsi'ki isi te'ku'ton pi' to' pana'ti pe.

Iyawon Ekamanin

Ekamanin: Kurai iyenuka'sa' pe kuru ri Papa usenpoikato' iwini (1:1-3)

Eke pe Kurai e'to' inseru amu' entai (1:4–2:18)

Eke pe Kurai e'to' Mosi' miri awonsi'ki Isa'suwa entai (3:1–4:13)

Eke pe Kurai e'to' use'man nito' tarawasomato' iya yau (4:14–7:28)

Eke pe Kurai e'to' emenna' tekonekasa' yau (8:1–9:22)

Eke pe Kurai e'to' use'man nito' pe te'to' yau (9:23–10:39)

Eke pe kuru apurito' esi (11:1–12:29)

Papa pori'mato' (13:1-19)

Uta'koron pe ipureman nito' (13:20-21)

Iu'matu main (13:22-25)

Imu Eke Inseru Amu' Entaino

¹ Pena Papa uya utamokori kon amu' auro'kapi'pitu'pu pu'kena' amu' poro taron ni a'tai'ne, tu'kan wini ri,

² e'tane si seri ton iu'matu weyu ton a'tai'ne uyauro'kasa' iya 'nokon Tumu wini, tnanamu'pu tanporon ni anannin pe iye'to' pe, iporo tanporon ni mi yawiron kaa'pu iya na'ne'.

³ Imu esi te'wei'tisen Papa a'kwarii ke, miripan esi kuri ri e'to' e' pe kuru ri, merunti imaimu erupa' ri tanporon ni uko'mamu miyari. Makoi ekorukato' taru tapo, iyereuta'pu Eke emiyatu enwo'netu wini Epu po.

⁴ Miripan si ena'p_u eke pe inseru am_u' entai, tese' t_unan_um_u'p_u esi eke pe to' ese' entai kasa.

⁵ Ap_une p_ura, nai k_uri warai inseru pi' ken Papa, “Umu imiri tikin nan kuru ri; seri pe ik_uip_un_u pe enasa’,”*

tawon? Miri pe p_ura kanan,

“Ik_uip_un_u pe e'to' oton,

miri awonsi'ki umu pe iye'to' oton,”†

tawon?

⁶ Miri awonsi'ki kanan, tim_urewato' ennoko Papa uya a'tai non pona,

“Tiwi tanporo Papa inser_ui ton napuripitai,”‡

ta'p_u iya.

⁷ Inseru am_u' pi' t_usaurok_u a'tai,

“Uinser_ui ton kup_u uya a'setun pe,

upoitor_u ton apo' e'werouwerouma pe,”§

ta iya.

⁸ E'tane si Imu pi',

“Papa, ayapon e'to' oton inke ri, inke ri,

miri awonsi'ki ipokena' pe e'nito' itesa' pe iwesi y_ui pe.

⁹ Ipoken e'nito' i'n_unkasa' auya, ipoken p_ura e'nito' ewaruma'tisa' auya;

miri pe iyesi pi', Papa, itese' pi' iwe'to' uya iku'sa' itonpa ton epoi,

imiri tukarapaimai' pori' pe iwesi ekamanin pe,”*

ta iya.

¹⁰ Tasa' iya ri mari,

“Itepuru, iyepiya'ti yau non apon nonka'p_u auya,

* 1:5 Eren 2:7 † 1:5 2 Sanweru 7:14; 1 Karono'karus 17:13 ‡ 1:6

Isu'taronomi 32:43 (LXX) § 1:7 Eren 104:4 (LXX) * 1:9 Eren

45:6-7

miri awonsi'ki ka' esi iyemiyatɔ ton
tɔrawasooi rɔ'pɔ ton pe.

11 Tɔuma'ta ton ni, imiri moro ri;
tanporo pon a'mota kasa ta'mota ton.

12 Pon pɔro'pon e'mepiɔ kasa e'mepi'to' auya
ofon;
pon usensima kasa isensimato' oton.

E'tane imiri moro miri kasa ri,
iukii'pamɔ pen ni,"†

ta iya.

13 Nai kari warai inserɔ pi' ken,
“Ereutaki, uyemiyatɔ enwo'netɔ wini
iyeyaton non tɔrɔ uya pɔ'kɔ pona
a'ta apon pe,”‡

tawon Papa?

14 Inserɔ amɔ' pen pe' kamoro a'kwarɔ ton
e'tɔrawasomai' enno'sa' kon kamo epika'tin nito'
eponin nan apiyo' pe?

2

Panaman Pana Tɔtɔse E'nito' Pe

1 Miri pe iyesi pi', etasa' rɔ'pɔ pi' upana kon tɔtɔse
e'nipai'nokon, utano'man pe iyesi namai'.

2 Apɔne pɔra inserɔ amɔ' usauro'sa' rɔ'pɔ e'sa'
pe iyesi yau iyawiri e'nito' kuru, miri awonsi'ki
tanporo miri ton i'kwɔ'sa' pe miri awonsi'ki iyawiri
pɔra e'nisa' uya ipoken ni tɔkota'mato' eposa' yau,

3 nai kasa ekota'man nito' apai ainɔn ni eke
ri epika'tin nito' anɔnsa' pɔra iye'tane? Seri
epika'tin nito', wapiya kuru Iteperu nekama'pɔ
rɔ'pɔ, miripan akonomasa' etanin nɔ'san uya up-
ana kon ya'.

† 1:12 Eren 102:25-27 (LXX) ‡ 1:13 Eren 110:1

⁴ Papa uya ri kanan ekamasa' miri pona ento' ipikiri ke, enuminkanin ke, miri awonsi'ki ti'tui' pura eke tuturawasooi ton ke, miri awonsi'ki Waku A'kwaru nutupitanu ton tutupi'se i'se te'to' awiri.

Sises Ekoneka'pu Takon Non Kasa

⁵ Inseru amu' ena' oru tuuye'ton nonkasa' iya pura iyese, itesa' pe to' e'to' pe, usauro'ni na'ne'nokon ipi'.

⁶ E'tane, moro ipata esi miri ka'pon uya ekamasa' na'ne' iyai ri:

“Nai pan ka'pon ipi' iusewankama pa,
miri pe pura ka'pon mu imainanpa pa?

⁷ Mara ru'kwi aiko pe ikoneka'pu auya inseru amu' o'no;

aruko'ti'pu auya eke pe iku'to' ike ke miri awonsi'ki inamato' ike ke;

⁸ miri awonsi'ki tanporon ni nonka'pu auya i'ta o'koi',”*

tawon. Tanporon ni nonka tuuya yau iyo'koi', Papa uya i'ri ri nonkasa' pura iyese innonka'pu pen itena'. Miri ri e'tane, tanporon esa' pe ene pura ri iyese.

⁹ E'tane Sises ene'nokon, mara ru'kwi aiko pe inseru amu' o'no ikonekasa' ru'pu, itaruko'tisa' si a'kwa ke miri awonsi'ki inamato' ke, apune pura uma'tan nito' yau iyekota'masa'pi', Papa uya waku nonkasa' wini tanporon kon iwano' pe uma'tan nito' i'tuto' pe iya.

¹⁰ Waku pe ri Papa esi'pu tu'kan kon tumunki amu' nee'pu iya eke pe to' ku'to' ya', Sises ri kari ri itiwano' miri awonsi'ki iporo tanporon ni

* **2:8** Eren 8:4-6 (LXX)

uko'manto', uya to' epika'tito' esa' kuu'pɔ wakɔ pe iyenato' pe iyekota'ma wini.

11 Asa'ri ri kari wakɔ pe ka'pon amɔ' konekanin miri awonsi'ki kamoro wakɔ pe ikonekasa' kon esi tikin ni ri iyamatɔ pe. Miri wenai, Sises ipiyitɔ pɔra iyesi takon non pe to' esakɔ tɔuya pi'.

12 “Iyese' ekama uya miri uyakon non pi';
iyamɔrasa' kon rau ayapuripitɔ pe userenka
miri,”†

ta iya.

13 Miri awonsi'ki kanan,

“Apurito' uya pe iyesi miri.”‡

Miri awonsi'ki,

“Seri yau e'ai', Papa natɔrɔ'san mɔre amɔ' pokon
pe,”§

takapɔ iya.

14 Kamoro si mɔre amɔ' esi pi' ka'pon amɔ' pe, tɔpun ke miri awonsi'ki tɔmɔnɔ ke, to' kaisa ri iyekoneka'pɔ, tɔuma'ta wini uma'tan nito' meruntirɔ esa' pe te'sen—Makoi—ma'tanɔ'to' pe tɔuya,

15 kamoro ita'sisa' pe te'san uma'tan nito' pi' enari'ke' pe tesi kon wini mo'ka pe.

16 I'nai ri sa'ne si iyesi inserɔ amɔ' pika'ti iya pen, e'tane Epɔra'an payan ton pika'ti iya.

17 Seri wenai takon non kasa iyekoneka'pɔ tanporon yau ri, isentu'kena' pe miri awonsi'ki Papa Maimu awiron pe use'man nito' tarawasomanin

† 2:12 Eren 22:22 ‡ 2:13 Aisaya 8:17 § 2:13 Aisaya 8:18

epuru pe te'to' pe, iyapiyo' pe tesi yau, ka'pon amu' konekanin pe ipokon pe to' makooi apai.*

¹⁸ Apu'ne pu'ra ku'ri ri ni'ri ekota'ma'pu Makoi uya i'tupitu a'tai, kamoro nin si Makoi ni'tupitunu ton pika'ti iya miri.

3

Sises Eke, Mosi' Entaino

¹ Miri pe iyesi pi', waku ton utonpa ton, Papa nukima'san, iusenuminkato' kon ikonekati' Sises pi', itekare ekamai' enno'sa' miri awonsi'ki Papa ena' use'man nito' tawawasomanin epuru, ina nekamanu.

² Tanannin pi' tusauroku'pu awiri iyesi'pu, Mosi' esi'pu kasa tusauroku'pu awiri tanporon yau Papa iwu' tau.

³ Sises i'tusa' esi'pu eke pe tnamasen pe Mosi' entai, iuti aminin uya tnamato' eporo kasa eke pe iuti nama entai.

⁴ Apu'ne pu'ra tanporo iuti ton amisa' miri ka'pon uya, e'tane Papa esi tanporon ni aminin pe.

⁵ Mosi' esi'pu tusauroku'pu awiri ipoitoru pe tesi pi' tanporon yau Papa iwu' tau, ekama pi' seri enta' usauro'nito' ipi' pe te'sen.

⁶ E'tane Kurai esi tusauroku'pu awiri imu pe, Papa iwu' esa' pe. Miri awonsi'ki uri'nokon esi itiwu' pe, uta'sin nisa' pe iyesi yau enari'mura e'nito' pi' miri awonsi'ki e'ku'nito' utapurin na'ne' ipi' pi'.

* **2:17** ka'pon amu' konekanin pe ipokon pe to' makooi apai; miri pe pu'ga, Papa uya kota'man nito' i'ni'panu'nin, umakooi kon mo'kanin.

3:2 Nonpa 12:7

Panamán Apurinin Pe Pura E'ni Namai'

- ⁷ Miri si, Wak_u A'kwar_u nikayai'ne' kasa:
 “Ser_i pe, imaimu eta auya'nokon pe iyesei yau,
⁸ iyewan kon k_u'sa'mantan_u't_u,
 iiwari'nokon e'pai iwesi'p_u kon kasa,
 ii'tuto' kon a'tai rimono' tau,
⁹ ikai'p_u kon am_u' uya ui'tupit_u'p_u miri awonsi'ki
 ui'tu i'se to' esi'p_u na'ne' yau,
 miripan kon uya unku'p_u ene'p_u 40 kaisa ri
 wai'piya yau.
- ¹⁰ Miri pe iyesei pi', miri a'taino kon pi' usakorota'p_u,
 miri awonsi'ki, 'T_utano'masen ni to' ewan,
 uyeseru i'tusa' to' uya p_ura ri iyesei,' ta'p_u uya.
- ¹¹ Miri si, usakorotasa' yau usauroku'p_u kuru ri,
 'To' ewonto' oton pen ni umoronka'to' ya',
 ta'p_u uya,”*
 tawon.
- ¹² Ti'tui' e'ti', uto'npa ton, iri pe in_u' ri kuse'nin,
 apurinin pe p_ura itewan tera'tisen pe Papa
 t_uko'mansen piyapai.
- ¹³ E'tane wai kaisa ri itonpa kon ipori'mati', “Ser_i
 pe,” tato' esi koro'tau, makoi uya enku'tin nito' uya
 asa'mantan_uku' kon namai'.
- ¹⁴ K_urai pokon pe enan nisa' ser_i uta'sin nisa'
 merunti pe wapiya uyenu kon yau iye'sa' r_u'p_u
 p_u'k_u pona.
- ¹⁵ Ser_i pe kuru ta nesiine' kasa:
 “Ser_i pe imaimu eta auya'nokon pe iyesei yau,
 iyewan kon k_u'sa'mantan_u't_u
 iiwano' kon pe e'pai iwesi'p_u kon a'taino kasa,”†
 tawon.

* **3:11** Eren 95:7-11 (LXX) † **3:15** Eren 95:7-8 (LXX)

16 Inu' yan uya eta'pu miri awonsi'ki tiwano' kon pe e'pai to' ena'pu? Kamoro pen pe' Mosi' nari'san Isi' apai?

17 Miri awonsi'ki inu' yan pi' isakorota'pu 40 kaisa ri wuipiya? Kamoro pen pe' imakoitasa' kon rimonon' tau, itekepu pe ita'po'sa' kon?

18 Miri awonsi'ki inu' yan pi' Papa uya usauroku'pu to' ewonto' oton pen pi' tumoronka'to' kon ya' ta? Kamoro pen pe' imaimu awiron kon nu'san pen?

19 Miri si ene'nokon to' ewomu poken para iyessi'pu, apune para to' uya apuri para iyessi pi'.

4

Sapa' Pi' Papa Munki Amu' Umoronka'to'

1 Miri pe iyessi pi', moro ri mari isauro'sa' ipi' umoronka'nito' esi pi', ti'tuse e'ni'pai'nokon eporo poken para auta'mo'kasa' kon esi namai'.

2 Uri'nokon ni niri pi' itekare usekamasas' miri, to' esi'pu na'ne' kasa; e'tane itekare to' neta'pu esi'pu i'ri pe para ri to' pona, apune para kamoro etanin nu'san uya a'si'sa' para iyessi'pu apurito' tauya'nokon pokon pe.

3 Seri pe nin si uri'nokon apurinin nu'san ewomu miri umoronka'nito' ya', Papa uya tasa' na'ne' kasa, "Miri si ekama'pu uya usakorota pe usauroku yau, 'To' ewonto' oton pen ni umoronka'to' ya', '* tawon. Miri awonsi'ki iturawasooi ri u'ma'sa' e'tane non e'kaa'pu si'kiri.

3:18 Nonpa 14:1-35 * 4:3 Eren 95:11; apune, v. 5 niri enka'ki.

⁴ Apune p̄ra isauro'sa' mi airi ri 7 pe iku'nin w̄ai pi' se ton main yau: “7 pe iku'nin w̄ai yau Papa ereuta'p̄a tanporo tut̄rawasooi ton apai,”† tukai'.

⁵ Miri awonsi'ki seri na'ne' epoi te'sen yau ta iya, “To' ewonto' oton pari pen ni umoronka'to' ya',” ta.

⁶ Moro ri iyesi t̄aron kon ni ewonto' oton miri umoronka'nito' ya', kamoro ipana ya' itekare usekamasa' kon n̄a'san ewonsa' p̄ra iyesi, apune p̄ra main awiri p̄ra to' esa' pi'.

⁷ Miri pe iyesi pi', Papa uya kanan t̄aron ni w̄ai tuka'sa', “Seri pe,” tato', emenn̄a'p̄a kuru ri isaurok̄a'p̄a Tepi' poro, wapiya ri ta nesiine':

“Seri pe, imaimu eta auya'nokon pe iyesi yau,
iyewan kon k̄a'sa'mantan̄a't̄au,”‡

tukai'.

⁸ Apune p̄ra Isa'suwa uya to' umoronka'to' pe to' ku'sa' yau, Papa n̄sauro'kap̄a'no pen kanan t̄aron ni w̄ai pi'.

⁹ Moro ri iyesi Sapa' pi' umoronka'nito' Papa munki am̄a' iwano';

¹⁰ apune p̄ra in̄a' ri tewonsen Papa umoronka'to' ya' ri kanan umoronkap̄a' miri tiwano' tut̄rawasooi apai, tut̄rawasooi apai Papa esi'p̄a kasa.

¹¹ Miri pe iyesi pi', ewon nito' kon pe usi'tunpai'nokon kuru ri miri umoronka'nito' ya', in̄a' ri uta'mo'ka pe iyesi namai' Esuwer̄a am̄a' n̄akuu'p̄a main awiri p̄ra te'se rimonon' tau pikiri te'se.

¹² Apune p̄ra Papa maimu esi nurinan miri awonsi'ki iku'nin. Iyike' isi'ratoi pokon iyi supara

† 4:4 Iseneses 2:2 apune, v. 10 niri enka'ki. ‡ 4:7 Eren 95:7-8 (LXX)

4:8 Isu'taronomi 31:7; Isa'suwa 22:4 4:10 Iseneses 2:2

entaino, ewan miri awonsi'ki a'kwaru ri i'monin, i'pu miri awonsi'ki ku'naai ri; ewan eseru miri awonsi'ki usenuminkan nito' aimenkanin ni.

¹³ I'ri ri tanporo iye'ka'sa' yau na'ne' e'so'namu para ri iyesi Papa enu apai. Tanporon ni e'niponkasa' miripan esi kipo'po ri kari usekaman nito' kuru ri ipi' enu yau.

Sises, Eke Kuru Use'man Nito' Turawasomanin Epuru

¹⁴ Miri pe iyesi pi', eke kuru si use'man nito' turawasomanin epuru esa' pe e'ni pi', itisa' na'ne' Epun pona,§ Sises, Papa Mumu, uta'sinpai'nokon merunti pe ekama na'ne' apurito' pi'.

¹⁵ Apune para use'man nito' turawasomanin nan epuru upi'nokon i'simura e'ni pi' tautentu'masen pen pe para te'sen esa' pe e'ni pi', e'tane uri'nokon kasa ri mari tanporon yau ri i'tupi'nito' yau iye'sa' ru'pu—e'tane ri imakoitasa' ru'pu pen.

¹⁶ Waku nonkasa' na'ne' apon pona riken utinpai'nokon uyenu kon yau te'se, isentu'mato' miri awonsi'ki waku nonkasa' iya epoto' pe upika'tinin kon pe upika'tinin kon i'se kuru e'ni a'tai.

5

¹ Tanporon kon ni Papa ena' use'man nito' turawasomanin nan epuru ton esi anansa' kon pe ka'pon amu' koro'tapai, miripan esi anansa' pe to' iwano' pe iku'nin pe Papa winikui' te'sen, to' nuturunu miri awonsi'ki to' use'mato' ike makoi esi pi'.

§ 4:14 Epun pona; miri pe para, Epun awiri

² F'si'man yai esii'ma kamoro i'tu iya para na'ne' nan koneka iya miri awonsi'ki nutano'mayai'ne' nan, apune para tumiri esi pi' i'si'mara e'nito' yau.

³ Seri wenai tumakooi iwano' pe tause'mato' turu iya, ka'pon amu' makooi iwano' pe ri niri ituru iya.

⁴ Inu' uya ri seri itepuru pe e'ni namato' anumu para iyese tiwano' pe; Papa uya riken iki'ma, Eran esi'pu kasa.

⁵ Miri kasa ri mari, Kurai, tiwano' pe eke pe tuku'to' ipi', Papa ena' use'man nito' turawasomanin nan epuru pe iyena'pu pen. E'tane Papa uya,

“Umu imiri tikin nan kuru ri;

seri pe ikupunu pe enasa' seri,”*

ta'pu.

⁶ Turon ni airi,

“Imiri esi Papa ena' use'man nito' turawasomanin pe inkerō' pe ri,

Meru'kisite' kasa kuru ri,”†

tasa' iya.

⁷ Sises uko'mamu a'tai non po, iyipuremapitu'pu, isennapitu'pu eke pe tuki'pi'nunpi'se, tenuku'mi tenno'se kari, tupa'kinin pi' uma'tan nito' apai, miripan maimu useta'pu apune para iye'tasa' pi' Papa ena'.

⁸ Imu pe ri iye'tane, main awiron pe te'sen pe isenupa'pu tekota'mato' wini,

⁹ waku pe nin si tekonekasa' ya', iyena'pu nin si inkerō' pe ri epika'tin nito' purakon pe tanporo tumaimu awiron kon iwano' pe,

5:3 Ripaiti'kas 9:7 5:4 E'sotas 28:1 * 5:5 Eren 2:7 † 5:6 Eren 110:4 5:7 Ma'siu 26:36-46; Ma' 14:32-42; Uru' 22:39-46

10 miripan nin si ese'ti'pɔ Papa uya miri, use'man nito' tɔrawasomanin nan epuru tukai', Merɔ'kisite' kasa kuru ri.

Panaman Uta'mo'kan Namai'

11 Eke pe kuru ina usauro'to' man seri pi', e'tane ekama poken pɔra ri sa'man pe ri iyese, apɔne pɔra tinin pi' ri tɔusenupasan pe iwesi kon.

12 Seri a'tai ri, ti'sa pe iyenasa' kon nesii'no, e'tane iyenupanin kon ni i'se iwesi kon iye'sara'ti si'kiri ri kanan Papa Maimu i'nairon pi'. Mana' ri mari i'se iwesi kon, sa'man kiyari pen!

13 Inɔ' ri mana' pi' nɔko'manyai'ne', mɔre pe ri mari na'ne' esi miri ipoken e'nito' pi' usenupan nito' to'ka'nɔ'sa' iya pɔra ri mari.

14 E'tane sa'man kiyari esi miri iyaku'pɔsa' kon iwano' pe, inke apuri tɔuya'nokon ke isenupasa' kon, wakɔ miri awonsi'ki iri ka' se wa tawon nan pe.

6

1 Miri pe iyese pi', e'sara'tin pe Kurai pi' usenupan nɔ'pɔ tɔninse, iyaku'pɔsa' pe e'nito' ya' utinpai'nokon, iyapon pe kanan era'tin nito' uma'tan nito' ya' anin nɔkupɔnɔ tɔka'pai'nokon pɔra,* miri awonsi'ki Papa apurito',

2 epa'taisiman nito' pi' usenupan nito',† miya' tɔto' pi', iyeri'sa' e'mɔ'sa'kato' pi', miri awonsi'ki siyaro' eseru aimenkato' nonkapai'nokon.

3 Iku'pai'nokon, Papa uya ta pe iyese yau.

5:13 1 Koren 3:2 * 6:1 Uma'tan nito' ya' anin nɔkupɔnɔ tɔka'pai'nokon pɔra; miri pe pɔra, tɔwotori'pi kenan pen ni eseru apai † 6:2 epa'taisiman nito'; miri pe pɔra, ekorɔkan nɔkupɔnɔ.

4 Iye'kup_u poken p_ura iyese kamoro a'kwa yau iye'sa' r_u'san, Ep_un pon repan nito' onpanin n_u'san, Wak_u A'kwar_u epoka'nin n_u'san na'po to' uta'mo'kasa' t_upo.

5 I'nai ri iyese kamoro wak_u Papa Maimu onpanin n_u'san miri awonsi'ki seri enta' t_uuye'ton pana'pano.

6 Miripan kon si uta'mo'kasa' pe iyese yau, i'nai ri iyese to' na'po p_ura iyese, ap_une p_ura‡ t_uma'tan_u'nin kon pe to' uya kanan Papa Mumu pokari'kap_u kurusu' pona, miri awonsi'ki annau to' uya ipiyi'n_u'kap_u ri mari.

7 Non inke ri t_upona t_uuta'mo'kasen tuna ensinin miri awonsi'ki kiyari konekanin kamoro iyemaina'tisa' kon iwano' pe, uya Papa uya t_up_uremato' eporo.

8 E'tane non, imi'ni'ta miri awonsi'ki a'sini'ta a'tan_u'nin esi miri iri pe, isi t_upa'n_u'se yau. Iu'mat_u yau tepo'ti ton pe.

9 Seri kasa ri ina usauro'tane, utonpa ton am_u' r_u'kwi, ina enu yau ri wak_u iwa ton esi imiri'nokon pi'—wak_u ton epika'tin nito' pikiri n_uye'ai'ne'.

10 Papa k_uri ri ipoken p_ura iyese ta pokena' pen ni ipi'; it_urawasooi kon n_u'p_u miri awonsi'ki i'n_unkato' auya'nokon inenpoika'p_u kon imunki am_u' pika'ti'p_u auya'nokon, miri awonsi'ki ikup_u pi' ri me'at_ui'ne' pu'tika'n_uk_u iya pen ni.

11 Ina man akaisari'nokon seri kuru kup_u auya'nokon i'se ari'kena' pe iu'mat_u pona ri, iye'ku'to' kon konekanin pe i'nai ri.

‡ 6:6 ap_une p_ura; miri pe p_ura, koro'tau. 6:8 Iseneses 3:17-18

12 Emiya'ne' pe iyena kon i'se p̄ra ina man, e'tane kamoro apurito' miri awonsi'ki t̄usetak'ai' p̄ra ipi' usauro'nisa' r̄p̄ eponin n̄'san kasa e'ti'.

I'nairon Papa Usauro'sa' R̄p̄ Iku'to' Pe T̄uya

13 Papa uya Ep̄ra'an auro'ka a'tai t̄anku'ton pi', t̄nesa'ton eke tentaino p̄ra iyese pi', t̄miri pe ri iye'sesak̄p̄,

14 “Uri pe kuru ri ip̄rema uya miri awonsi'ki tu'ke ri apayan̄ti uya,” Š tukai'.

15 Miri pi' si t̄usetak'ai' p̄ra tenurik̄ t̄po, Ep̄ra'an uya si iye'kup̄ tukai' tauro'kasa' r̄p̄ eporo'p̄.

16 Ka'pon am̄ uya t̄ankup̄n̄ kon ekama eke pe tentai'nokon te'san ese' yau, miripan uya nin si isauro'sa' r̄p̄ meruntitan̄ka miri, miripan uya tanporon ni e'sei'pi'nito' ereutan̄ka.

17 Ap̄ne p̄ra t̄nekama'p̄ usensima p̄ra iyese tukai' epoton kon uya i'tu i'se tesi wenai, t̄usaurok̄p̄ akonoma'p̄ iya ikup̄ uya kuru tukai'.

18 Papa uya seri kup̄ uya tasa', miripan e'kup̄ kuru ri tasa' iya. Seri asa'ron usensima p̄ra iyese, ap̄ne p̄ra kasi pe Papa esi poken p̄ra iyese. Miri pe iyese pi', uri'nokon yain̄sa' kon inota' e'se'na uya emenna' pe merunti pe e'nito' an̄m̄, ap̄ne p̄ra uta'sin ke isauro'sa' pi' miri itenu yau esii'ma.

19 Seri si e'ku'nito' esi uya'kwar̄ kon a'sinin pe, pana' pe, aka'ne' pe pen. Tewonsen siya ri iwapu enta',

20 Sises, ewom̄p̄ urawiri'nokon, uiwano' kon pe na'ne' ya'. Iyenasas' si Papa ena' use'man nito'

turawasomanin nan epuru inkeru' pe, Meru'kisite' kasa kuru ri.

7

Meru'kisite', Papa Ena' Use'man Nito' Turawasomanin

¹ Puse ri Meru'kisite' esi'pu Seren po kin pe miri awonsi'ki use'man nito' turawasomanin pe, Eke Kuru Papa iwano' pe. Epura'an eporo'pu iya kin amu' ewa'noma tupo to' enu entai tenai' iyenna'po koro'tau, miripan pureka'pu iya,

² miripan repa'pu Epura'an uya 1/10 kaisa ri tanporon apai. Itese' wapiya na'ne' esi miri, "Ipoken te'sen kin," ta e'kwa pe; "Seren pon kin," ta esi kanan, "kin, tausewankamai' para e'ni esa'," ta e'kwa pe.

³ Kuri ri mu ru'pu miri pe para kamoro imunki ru'san ta poken para ri iyese Meru'kisite' pi', iweyu epiya'ti'pu para ri miri pe para iko'manto' u'ma'sa' tato' para ri iyese, Papa Mumu kasa ri, use'man nito' turawasomanin pe moro ri iyese inkeru' pe ri.

⁴ Eke pe kuru ri iyese'pu, tapai: Epura'an, utamokori kon uya irepa'pu 1/10 kaisa ri teyaton non enapai tanno'ka'pu ke!

⁵ Main, Mosi' winon nin si esi Ripai payan use'man nito' turawasomanin nan pe iyenasa' kon uya 1/10 kaisa ri to' uya amaranu'to' pe ka'pon amu' piyapai—tutonpa kon amu' ri —Epura'an si'kiri ri to' u'tisa' e'tane.

⁶ Puse ri ka'pon uya Ripai pa pe te'to' e'ma'pakasa' para ri iye'tane, miri ri e'tane 1/10

kaisa ri Epura'an wini amuranuku'pu iya miri awonsi'ki ipurema'pu iya, Papa uya tauro'kap'sa' ton nu'pu esa' pe te'sen.

⁷ Ikasima pura, aiko purema'pu eke pe te'sen uya.

⁸ Tikin nan esi 1/10 amuranuku' teri'san kon ni ka'pon amu' uya; e'tane taron ni pe kari, nurine iyese tato' uya amuranuku'.

⁹ Ka'pon uya ri ta poken iyese, Ripai kari ri 1/10 amuranuku' pi' na'ne' uya 1/10 e'ma'pu Epura'an poro,

¹⁰ apune pura Meru'kisite' uya Epura'an eposa' a'tai, Ripai esi'pu tatamokori pun yau ri mari.

Sises, Meru'kisite' Waraino

¹¹ Waku pe ekonekan nito' e'seporo pe iyese yau Ripai payan esi use'man nito' tarawasomanin nan pe koro'tau (miri poro main e'taru'pu ka'pon amu' ena'), i'rito' pe ken si taron ni kanan use'man nito' tarawasomanin uyepu i'se e'ni'pu —Meru'kisite' waraino kuru, Eran waraino pen?

¹² Apune pura si Eran poro use'man nito' tarawasomanin ye' pe te'sen usensimasa' a'tai, main ni niri usensimato' pe iyese.

¹³ Sises si, seri ton usauro'sa' na'ne' ipi' esi taponaron ni taron ni ko' ri, miri awonsi'ki miri ko' awon ni e'tarawasomasa' pura iyese use'man nito' apon po.

¹⁴ Apune pura i'tu ri uyepuru kon u'tisa' Isuta ko' wini, miri ko' amu' pi' Mosi' usauro'sa' pura ri iyese use'man nito' tarawasomanin nan pe.

¹⁵ Miri awonsi'ki ina uya tasa' na'ne' esi waku pe tenka'sen pe ri, taron ni use'man

nito' t̄rawasomanin Meru'kisite' waraino usenpoikasa' pe iyese yau,

¹⁶ k̄ari use'man nito' t̄rawasomanin pe iyenasa' main wini itamokori ton e'sa' wenai pen, e'tane tu'ma'sen pen uko'man nito' meruntir̄u wini.

¹⁷ Ap̄ne p̄ra isekamasa':
 “Imiri esi use'man nito' t̄rawasomanin pe inke ri,
 Meru'kisite' kasa kuru ri,”*
 tukai'.

¹⁸ Wapiyaro' main, Mosi' winon utamasa' ap̄ne p̄ra i'si'mara miri awonsi'ki pika'tinin pe p̄ra iyese pi'

¹⁹ (ap̄ne p̄ra main uya i'ri konekasa' p̄ra iyese waku pe), miripan waku pari nin si e'ku'nito' ekamasa', a'ko pe nin si Papa piya' une'nin kon.

²⁰ Iye'ku'to' pe ikup̄u uya ta Papa uya a'kiri iyekonekasa'! T̄ron kon use'man nito' t̄rawasomanin nan ekonepit̄u'p̄u iye'ku'to' pe ikup̄u uya ta Papa uya a'kiri p̄ra.

²¹ E'tane Sises ekoneka'p̄u use'man nito' t̄rawasomanin pe iye'ku'to' pe ikup̄u uya ta Papa uya a'kiri, ta'p̄u iya ipi' a'tai:

“Itepuru uya iye'ku'to' pe ikup̄u uya tasa',
 miripan uya teseru ensima pen:
 ‘Imiri esi use'man nito' t̄rawasomanin pe inke ri.’”†
 tasa' iya.

²² Ap̄ne p̄ra seri tasa' pi', Sises ekonekasa' waku kuru nin ekonekan nisa' wapiyaro' entaino eka-manin pe.

²³ Miri si, tu'ke ri kamoro use'man nito' t̄rawasomanin nan esi'p̄u, ap̄ne p̄ra uma'tan

* 7:17 Eren 110:4 † 7:21 Eren 110:4

nito' uya to' uko'mamꞰ tꞰtꞰrawasooi kon kupꞰ pi' poken pꞰra ikupꞰ wenai;

²⁴ e'tane si, Sises uko'mamꞰ pi' inke ri, aka'nero' pe pꞰra nin si use'man nito' tꞰrawasomanin ye' pe iyesi.

²⁵ Miri pe nin si iyesi pi', kamoro Papa piya' tꞰuye'san tꞰporo pika'ti iya miri tꞰnuka'nꞰ'se kuru,‡ apꞰne pꞰra tiwiri ri tꞰuko'mamꞰ pi' to' pona usennan pi'.

²⁶ PꞰse ri warai nin si use'man nito' tꞰrawasomanin nan epuru uya i'se e'nito' eporo miri—kꞰri wakꞰ pe na'ne', i'ri iri pꞰn ni, esukenan ni, tꞰmakooikena' nan piyapai iyemo'kasa', ka' enta' ri iyenu'sa'.

²⁷ TꞰron kon use'man nito' tꞰrawasomanin nan epuru ton kasa pꞰra iyesi, wꞰi kaisari ri use'man nito' ton tꞰrawasomato' iya pꞰra iyesi, wapiya tꞰmakooi iwano' pe miri awonsi'ki ka'pon amꞰ' makooi iwano' pe. To' makooi iwano' pe iye'tꞰrꞰ'pꞰ tikin ite'kwa tꞰnakonomatꞰn pe pꞰra ri tꞰmiri pe use'man nito' ike pe.

²⁸ Main uya i'si'mꞰnon ka'pon amꞰ' anꞰmꞰ use'man nito' tꞰrawasomanin nan epuru ton pe; e'tane iye'to' pe tawon, iye'sa' na'ne' main ekoneka'pꞰ tꞰpo, uya Imu anꞰmꞰ'pꞰ, iyekonekasa' wakꞰ pe inkerꞰ' pe.

8

Sises, Emenna' Ekonekan Nito' Epuru

‡ 7:25 tꞰnuka'nꞰ'se kuru; miri pe pꞰra, tiwiro' pe 7:27 Ripaiti'kas
9:7

¹ Se kuru sa'ne ta ina uya: Puse ri warai use'man nito' t̄rawasomanin nan epuru esa' pe e'ni, iyereutasa' r̄p̄a enwo'ne' miya' wini eke pe kuru te'sen ye' apon po Ep̄an po,

² te't̄rawasomasen ip̄areman nito' iw̄a' tau, i'nairon kuru ta'porin, Itepuru ri ni'm̄a'sa'ka'p̄a, ka'pon ni'm̄a'sa'ka'p̄a pen.

³ Tanporon kon use'man nito' t̄rawasomanin nan epuru pe an̄ansa' uya asa'ri ri t̄t̄usen miri awonsi'ki use'man nito' ike t̄r̄a, miri kasa ri si p̄use ri n̄ut̄aton ni mari esi'p̄a.

⁴ Non po iyesi yau, use'man nito' t̄rawasomanin pe p̄ara ri iyesi miri, ap̄ane p̄ara moro ka'pon am̄a' esi pi' t̄t̄usen t̄nin nan pe main uya ekamasa' awiri.

⁵ To' e't̄rawasoma Ep̄an pon ip̄areman nito' iw̄a' a'kwar̄p̄a tau ri, ikasa ipatakasa' pe te'sen. Miri pe iyesi pi', Mosi' panama'p̄a miri ip̄areman nito' iw̄a' am̄a' pi' iyekoneka koro'tau: "Menei', tanporon ni koneka auya, iyena' w̄a' po enpoika'p̄a na'ne' kasa ento' auya ipi' pe,"* tukai'.

⁶ E'tane Sises t̄rawasooi ineporo'p̄a esi eke pe Mosi' t̄rawasooi entai, wak̄a kuru ekonekan nisa' Papa winon eposa' iya t̄nt̄aton eke pe penaro' entai, miripan e't̄sa' wak̄a ton kuru nin e'ku'to' pi' isauro'sa' po.

⁷ Ap̄ane p̄ara wapiyaro' ekonekan nito' esi yau wak̄a pe, t̄ron ni ne'warinpai'no pen ni.

⁸ E'tane Papa uya iri eporo'p̄a t̄munk̄i am̄a' pi', miripan uya ta'p̄a, "Iweyu uye'ni pi' man, ta pi' Itepuru man,

- emenna' ekonekan nito' konekato' uya weyu
 Esuweru amu' pokon pe,
 miri awonsi'ki Isuta amu' pokon pe.
- 9 To' tamokori ton pokon pe unkoneka'pu
 ekonekan nito' waraino pen,
 to' emiya pi' to' a'si'pu uya a'taino
 to' ato' pe uya Isi' apai,
 apune pu'ra tumiri'nokon pokon pe ekoneka a'tai
 tusauroku'pu kon awiri pu'ra to' esi'pu,
 miripan kon piyapai era'ti'pu,
 ta Itepuru uya.
- 10 Se si seri ekonekan nito' konekato' uya Esuweru
 amu' pokon pe,
 miri pata'pu pe, ta Itepuru uya,
 Umaimu nonka uya miri to' usenuminkato' ya'
 miri awonsi'ki imenuka uya to' ewan pi'.
- To' e'to' itese' pi' pe e'to' oton,
 miri awonsi'ki umunki amu' pe to' e'to' oton.
- 11 Seri enta' ka'pon uya tatonpa enupato' oton pen,
 miri pe pu'ra ka'pon uya takon enupato' oton
 pen, 'Itepuru i'tuki,' tukai',
 apune pu'ra tanporo to' uya ui'tuto' oton
 sepan kon apai eke ton pe kuru te'san pona ri.
- 12 Iri to' eseru pi' usentu'mato' oton,
 miri awonsi'ki uyenu yau to' makooi ku'to'
 uya oton pen ni miri enta',”†
 tasa'.
- 13 Seri si ekonekan nito' esaku iya wini
 “emenna,” tukai', wapiyaro' ku'sa' iya tapurisen
 pe pu'ra; miripan si tapurisen pe pu'ra te'sen miri
 awonsi'ki ipooi'pi pe te'sen pu'ra iyena seri pe ri.

† 8:12 Iseremaya 31:31-34 (LXX)

9

Apuripitu, Non Pon Ta'porin Tau

¹ Serì si wapiyaro' ekonekan nito' esi'p_u, teseru ke Papa apuripi'to' esi'p_u miri awonsi'ki ip_ureman nito' iw_u' serì non pon kanan.

² Ta'porin i'm_u'sa'ka'p_u. Wapiyaro' iwa'k_u'sa' tau raan'pu apon esi'p_u, miri awonsi'ki tep_u miri awonsi'ki ip_uremasa' p_ureti; serì esak_u miri Wak_u Pata, tukai'.

³ Isakon pe te'sen iwapu entau iwa'k_u'sa' kanan esak_u esi'p_u Ipan Wak_u Kuru Pata, tukai',

⁴ miri yau kor_u pun konekasa' use'man nito' apon a'po'nan kiri'n_unpato' ipo, miri awonsi'ki kor_u ke ipi'pi'tisa' ekonekan nisa' en. Serì yau kanan kor_u pun konekasa' samaku pe yau “mana” tato' to' yu pe iye'sa' ru'p_u esi'p_u, Eran y_uu iyenp_urukutasa' ru'p_u, miri awonsi'ki ti' am_u' ekonekan nito' apon ton.

⁵ Miri iten p_uro'po ika'sa' ton inser_u am_u' A'kwa iwano' ton esi'p_u, iri pe e'ni'p_u apai ekonekan pata'se' epoino.* E'tane serì ton ekama poken p_ura man tanporo serì pe.

⁶ Serì kasa si ikonekasa' ya', use'man nito' t_urawasomanin nan ewom_u isi'pakiri ri kipo'pon iwa iwa'k_u'sa' ta' t_ut_urawasooi kon ku'se'na.

⁷ E'tane use'man nito' t_urawasomanin nan epuru riken ewom_u i'nawon iwa'k_u'sa' ta' t_ukin ite'kwa riken wai'piya yau, m_un esa' pe kuru

9:2 E'sotas 26:1-30; 25:31-40, 23-30 **9:3** E'sotas 26:31-33

9:4 E'sotas 30:1-6; 25:10-16; 16:33; Nonpa 17:8-10; E'sotas 25:16;

Isu'taronomi 10:3-5 * **9:5** *ekonekan pata'se' epoino*; miri pe p_ura, pi' wanni usentu'man apon. **9:5** E'sotas 25:18-22 **9:6** Nonpa 18:2-6

itito' pe iyesei tɔntɔton pe tɔmakooi epe'pɛ pe miri awonsi'ki ka'pon amɛ' makooi epe'pɛ pe to' nɔkupɛ'pɛ i'tui'ma pɛra ri.

⁸ Wakɛ A'kwarɛ uya enpoika'pɛ seri wini Ipan Wakɛ Kuru Pata e'ma uta'kokasa' pɛra iyesei moro ri mari wapiyaro' tɔponaron iponaro' ta'porin esi pi'.

⁹ Seri seri, seri a'taino ekamanin, tɔtɔsen, use'man nito' ike itɔsa' rɛ'pɛ uya apuripi'nin nan ewan konekasa' pɛra iyesei.

¹⁰ Kiyari pe ri nin miri awonsi'ki tensisen pe ri nin iyesei'pɛ, ekorɔkan pe ri—kipo'pon eseru pe ri nin emenna' eseru weyu e'seporo pona ri.

Kɛrai Mɛnɛ

¹¹ Kɛrai uye'sa' a'tai use'man nito' tɔrawasomanin nan epuru pe wakɛ ton seri yau iyenaka'sa' na'ne' ton† iwano' pe, iti'pɛ eke kuru ipan pe wakɛ pe te'sen ta'porin ka'pon nɔkoneka'pɛ pen awiri, seri ri ika'sa' pɛ'kɛ ta pen sa'ne.

¹² Kapirita mɛnɛ miri awonsi'ki paka mɛre mɛnɛ wini iyewomɛ'pɛ pen; e'tane iyewomɛ'pɛ Ipan Wakɛ Kuru Pata ya' tikin ite'kwa tɔnakonomaton pe pɛra ri tɔmɛnɛ wini ri, tiwiro' pe ri uye'mato' kon tepose.

¹³ Kapirita amɛ' mɛnɛ miri awonsi'ki warawo' pe te'sen paka amɛ' mɛnɛ miri awonsi'ki paka mɛre po'tisa' urumiru'pɛni tɔru'pi'sa' kamoro iri pe

9:7 Ripaiti'kas 16:2-34 † **9:11** *iyenaka'sa' na'ne' ton*; miri pe pɛra, seri ya' tɔuye'ton.

te'san‡ korukanin pe ɪri apai to' e'to' pe wakɛ pe kipo'po.

¹⁴ Miri entai kuru ri nin si Kurai mɛnɛ, aka'nero' pen Iya'kwarɛ awiri iye'tusa' rɛ'pɛ tiwano' pe tɛmaku'pi ke pɛra Papa ena', uya uyewan kon koruka, unkuɛnɛ kon uyanin kon uma'tan nito' ya' apai, § Papa nurinan apiyo' pe e'nito' pe!

¹⁵ Seri wenai Kurai esi emenna' ekonekan nito' yau iporo e'nito' pe, kamoro si iki'masa' kon uya iye'kupɛ tukai' auro'kasa' kon uya tɛtɛsen epoto' pe siyaro' ri—seri si tɛuma'tasa' pi' to' epe' pe to' mo'kanin pe makoi, to' nɛkupɛ'pɛ apai wapiyaro' ekonekan nito' o'noro esii'ma.

¹⁶ Eri'nisa' a'tai te'nonkasen imamin nɛ'pɛ wannɪ karetaai esi a'tai, i'nai ri pe' inonka tawon nɛ'pɛ eri'kaa'pɛ tukai' ti'tusen pe iyesei,

¹⁷ apɛne pɛra inonkasa' ananto' pe iyesei, tawon nɛ'pɛ eriku'pɛ a'tai riken; nurine tawon nɛ'pɛ e'tane pɛra.

¹⁸ Miri wenai wapiyaro' ekonekan nito' e'kupɛ pɛra iye'piti'pɛ miri mɛn e'kwansa' pɛra iye'tane.

¹⁹ Mosi' uya tanporon ni apiyontin nito' main yau na'ne' ekama a'tai tanporon kon ka'pon amɛ' pana ya', paka munki mɛnɛ anɛmɛ'pɛ iya tuna amɛtɛ pe, tɛtariren karimeru i'po' konekasa' miri awonsi'ki i'so'pu ye' tato' panta, miripan uya kareta amon miri awonsi'ki tanporon kon ka'pon amɛ' pai'pai'ma'pɛ ike.

²⁰ “Seri seri ekonekan nito' mɛnɛ, Papa uya

‡ 9:13 *ɪri pe te'san*; ike'ike pe te'san kasa te'san 9:13 *Ripaiti'kas*
 16:15-16; Nonpa 19:9, 17-19 § 9:14 *Uma'tan nito' ya' apai*; miri pe
 pɛra, *i'ri ku'nin pen ni iku'to' pe iku'sa' apai*.

ayapiyontisa' kon na'ne' iyawiri iwesi kon pa,"*
ta'pɥ iya.

²¹ Miri kasa ri mari, ta'porin miri awonsi'ki itau tapurisen i'ri e'kupɥ yau pai'pai'ma'pɥ iya mɥn ke.

²² I'nai ri sa'ne main esi tanporon iwa ri ekoruka i'se mɥn ke, apɥne pɥra mɥn utisa' pɥra iye'tane makoi pi' usentu'man pɥra ri iyesi.

²³ Iye'ku'to' pe kuru iyesi'pɥ Epɥn pon patakanin ekorukato' pe iyesi'pɥ seri ton use'man nito' ton ike mɥnɥ ke, e'tane si Epɥn po'nan kuru nin si ekorukato' pe iyesi seri entaino use'man nito' ton ike ke.

²⁴ Apɥne pɥra Kɥrai ewonsa' pɥra iyesi Epɥn pon patakanin ka'pon nɥkoneka'pɥ ipɥreman pata'se' ya' i'nairon patakanin ya'; Epɥn pona kuru ri nin iyepa'ka'pɥ, seri pe si tɥusenpoika ton pe uri'nokon iwano' pe Papa piya'.

²⁵ Miri pe pɥra Epɥn pona iyepa'ka'pɥ e'tɥpi'se'na kanan pen, use'man nito' tɥrawasomanin nan epuru kasa Ipan Wakɥ Kuru Pata ya' wɥpiya kaisa ri tɥmɥnɥ pen ni esa' pe.

²⁶ Kɥrai ri nin uya e'ne' moronka nesii'no inke ri, non e'kaa'pɥ si'kiri ri. E'tane si isenpoikasa' tikin ite'kwa tɥnakonomaton pe pɥra ri nin, pata weyu u'matɥ a'tai makoi eno'ma pe tɥmiri ke tɥuse'ma ke.

²⁷ Ka'pon erikɥ tikin ite'kwa na'ne' kasa, miri tɥpo eseru aimenkato' epoton pe,

²⁸ miri kasa si Kɥrai e'tɥrɥ'pɥ tikin ite'kwa tu'kan kon ka'pon amɥ' makooi mo'kanin pe; miripan usenpoikato' oton iyakon ite'kwa pe,

* **9:20** E'sotas 24:8 **9:21** Ripaiti'kas 8:15 **9:22** Ripaiti'kas 17:11

makoi tɔrawasomase'na pen, e'tane epika'tin nito'
ne'se'na kamoro tenupikiri te'san iwano' pe.

10

*Kɔrai E'tɔrɔ'pɔ Use'man Nito' Ike Pe Tikin
Ite'kwa Ri*

¹ Main, Mosi' winon esi wakɔ ton tɔuye'sen
a'kwarɔ'pɔ pe ri—tɔuye'ton kapisin pe iyese. Miri
pe iyese pi', kamoro a'ko pe Papa apuripi'se
tɔuye'san koneka iya pɔra iyese wakɔ pe, miri
ri use'man nito' ike utakonomapi'tane wɔipiya
kaisari ri.

² To' konekanin pe iyese yau, use'man nito'
ike ereuta'pɔ nesii'no. Papa apuripi'nin nan
ekorɔka'pɔ nesii'no tikin nan pari ri, tɔmakooi ke
to' nɔsi'tui'no pen ni.

³ E'tane nin si miri use'man nito' esi wɔipiya
kaisa ri makoi pi' emiya'pontipi'nin pe,

⁴ apɔne pɔra paka, warawo' pe te'sen miri
awonsi'ki kapirita mɔnɔ uya makoi mo'ka pɔra ri
iyese ke.

⁵ Miri pe iyese pi', tɔuyepɔ a'tai seri non pona,
Kɔrai uya ta'pɔ:

“Use'man nito' ike miri awonsi'ki tɔtɔsen i'se pɔra
iyesi'pɔ,
e'tane upun inkoneka'pɔ;

⁶ iyepori'ma pɔra iyese'pɔ
ipo'ti pe tɔtɔsen pi' miri awonsi'ki makoi ku'sa'
epe'pɔ pe tɔtɔsen pi'.

⁷ Miri a'tai ta'pɔ uya, 'Moro ri e'ai',

Papa, uye'sa' man i'se iwe'to' ku'se'na—
iye'menukasa' na'ne' kasa upi' kareta amon
pi', ”*

ta'p_u iya.

⁸ Ta'p_u iya wapiya, “Use'man nito' ike miri awonsi'ki tut_usen, ipo'ti pe tut_usen miri awonsi'ki makoi ku'sa' epe'p_u pe tut_usen i'se p_ura iwesi'p_u, pori' pe p_ura iwesi'p_u ipi',” ta'p_u iya (main uya ri iye'ku'to' pe tasa' e'tane).

⁹ Miri a'tai, “Moro ri e'ai', uye'sa' man i'se iwe'to' ku'se'na,” ta'p_u iya. Wapiyaro' use'man nito' w_ur_uka'p_u iya ipikiron pata pe.

¹⁰ Miri si i'se iye'to' wini, wak_u pe nin si ekonekan nisa'nokon, Sises K_urai pun use'man nito' ike poro tikin nan pari ri.

¹¹ W_ui kaisari ri tanporon kon use'man nito' t_urawasomanin nan e'soto'kasa' uya t_ut_urawasooi kon kup_u; miri ri mari akonomapit_u pi', makoi mo'kanin pen ni.

¹² E'tane nin p_use ri use'man nito' t_urawasomanin uya tikin ite'kwa ri use'man nito' makoi iwano' pe t_ur_u'p_u siyaro' pe ri, miripan nin si ereutasa' Papa emiyat_u enwo'net_u wini.

¹³ Miri si'kiri, iyenurik_u si ti'ta apon pe teyaton non koneka enupikiri,

¹⁴ ap_une p_ura tikin nan ni use'man nito' ike ke kamoro wak_u pe tekonekasan konekasa' iya wak_u pe inker_u' pe ri.

¹⁵ Wak_u A'kwar_u uya ri niri seri ekamasa' upi'nokon. Ta iya wapiya:

¹⁶ “Seri seri to' pokon pe ekonekato'

* **10:7** Eren 40:6-8 (LXX) **10:11** E'sotas 29:38 **10:12** Eren 110:1

miri tupo, ta Itepuru uya.
Main uiwano' emaiika uya to' ewan ya',
to' usenuminkato' pi' imenuka uya.”†

17 Miripan piriku iya:

“To' makooi miri awonsi'ki main uya tato' awiri
para to' nakupanu
kupu uya pen uyenu yau,”‡
ta iya.

18 Seri ton pi' si usentu'man nisa' pi', makoi ku'sa'
pi' use'man nito' para ri iyese miri.

A'ko Pe Papa Piya' Uye'nipai'nokon

19 Miri pe iyese pi', utonpa ton, ewon ni'nokon
Ipan Waku Kuru Pata ya' tukai' uyenu kon yau
e'ni'nokon pi' Sises manu wini,

20 emenna' miri awonsi'ki nurinan uye'ma kon
uta'kokasa' pi' iwapu awiri, ipun ni si,

21 eke si use'man nito' tarawasomanin esi pi'
Papa iwu' esa' pe,

22 uye'nipai'nokon si a'ko pe Papa piya' waku
pe itewan, apurito' esa' pe uyewan kon yau, iye-
pai'pai'masa' ukorukanin kon pe iri ku'nin nu'pu
pe usi'tun nito' apai miri awonsi'ki upun kon
iyekorakasa' pe esukenan tuna ke.

23 Uta'sinpai'nokon pana' pe e'ku'nito'
unekamanu kon pi', apune para isauro'sa' ri esi
tausaurokupu awiron pe ri.

24 Miri awonsi'ki utonpa kon pi'
tusenuminkasen pe e'nipai'nokon to' pori'manin
pe tuisi'nunkasen pe miri awonsi'ki waku ku'nin
pe to' e'to' pe.

† 10:16 Iseremaya 31:33 ‡ 10:17 Iseremaya 31:34 10:22
Ripaiti'kas 8:30; Isi'kiyeru 36:25

25 Am̄arapi'nito' eseru nonkapai'nokon p̄ara, t̄aron kon n̄anonkayai'ne' kasa, e'tane utonpa kon pori'mapi'pai'nokon—miyari pari ap̄ane p̄ara Iweyu e'seporo enkap̄a auya'nokon pi'.

26 Ipi' ri te'ku'se umakoitan pi' uko'man ni yau i'nairon an̄onkap̄a t̄apo, miri rupi makoi iwano' pe use'man nito' e'ku'sa' p̄ara iyesi miri,

27 e'tane enari'n̄an nito' riken eseru aimenkato' e'seporo pi', isi ri apo', Papa eyaton non po'ti ton.

28 In̄a' ri Mosi' winon main awiron pen wipitu'p̄a usentu'man p̄ara ri ipi', asa'ron kon miri pe p̄ara osor̄awawon kon uya t̄anene'p̄a kon iri kup̄a iya ekamasa' pi'.

29 I'ri kaisa ri ken si ka'pon kota'mato' pe iyesi, Papa Mumu wasa'pi'nin ti'ta ke, sepan pe ri tukonekanin pe te'sen ekonekan nito' m̄an̄u ku'nin, miri awonsi'ki wak̄a nonkasa' Iya'kwar̄a uya sapemanin n̄a'p̄a tukai', mi'tuyat̄au?

30 I'tu'nokon seri tawon n̄a'p̄a, “Uri ri e'manin; uri uya ina'po,” § miri awonsi'ki kanan, “Itepuru uya t̄amunki am̄a' eseru aimenka.”*

31 Isi pe ri iyesi Papa nurinan ena' uta'mo'kan.

32 Iyenu kon yau nesii iweyu an̄ansa' auya'nokon a'taino r̄a'p̄a, merunti pe iye'soto'ka'p̄a kon eke ri sa'man usi'tun nito' annawiri ri.

33 T̄aron ni a'tai annau ri asapemapitu'p̄a kon miri awonsi'ki isi pe ri ikota'ma'p̄a kon; t̄aron ni a'tai kamoro miri kasa t̄aku'san pokon pe ri iye'soto'pitu'p̄a kon.

10:27 Aisaya 26:11 (LXX)

10:28 Isu'taronomi 17:6; 19:15

10:29 E'sotas 24:8

§

10:30 Isu'taronomi 32:35

*

10:30

Isu'taronomi 32:36; Eren 135:14

34 Kamoro pariki'si tau te'san pi' iusentu'mapitu'pu kon, imamin kon ni mo'kasa' e'tane pori' pe ri iwesi'pu kon, apune pura i'tu auya'nokon ke waku pari miri awonsi'ki inke tuko'mansen iwano' kon esi pi'.

35 Miri pi' iyenu kon yau iwe'to' kon kuseno'matu; eke pe iyepu'pu kon eporo auya'nokon miri.

36 Sa'man annawiri ri iutito' kon pe iyesi te'nonkai' pura, Papa e'to' i'se ku'sa' auya'nokon a'tai, isauroku'pu ru'pu iye'ku'to' pe eporo kon pa.

37 Apune pura seri pe iwa'ne ri,
 "Tuyue'sen uye'ni pi' man, emennu'pu iyepu pen.

38 E'tane ipokena' e' pe te'sen uko'mamu miri apurito' wini.

Tesi'pu ya' iyenna'posa' yau,
 pori' pe ipi' esi pen miri,"†
 tasa' iya.

39 E'tane uri'nokon kamoro to' kasa tenna'posan pen miri awonsi'ki tuma'tasan pen, e'tane kamoro apurinin nan miri awonsi'ki tepika'tisan iye'ton pe te'san.

11

Apurito' Iwini

1 Seri si apurito' esi miri i'nai ri iyesi tato' e'ku'nito' pi' miri awonsi'ki moro kuru iyesi tato' entane pura ri.

2 Seri pi' penaro' kon apuripitu'pu miri.

† 10:38 Apa'ka' 2:3-4 (LXX)

³ Apurito' wini ito'ka'nuk_u tanporo non ekoneka'p_u Papa maimu ke, tensen pe na'ne' ekoneka'p_u tensen pen apai.

⁴ Apurito' wini Eper_u uya wak_u t_uuse'mato' t_ur_u'p_u Papa ena' wak_u Keen n_ut_ur_un_u entaino. Apurito' wini apuripit_u'p_u ipokena' e' pe te'sen tukai', Papa usauro'sa' a'tai wak_u pe int_ur_un_u ton pi'. Miri awonsi'ki apurito' wini isaurok_u ri, teri'sa' ri e'tane.

⁵ Apurito' wini Iino' enuku'p_u seri yau uko'man nito' apai, eri'nito' i'tu t_uuya namai'; iye'seporo p_ura ri iyese'p_u, ap_une p_ura Papa uya an_um_u'p_u. Ap_une p_ura itan_um_u rawiri, apuripit_u'p_u pori' pe Papa ku'nin tukai'.

⁶ Apurito' p_ura iye'tane pori' pe Papa kup_u auya p_ura iyese, ap_une p_ura in_u' ri ipiya' t_uuye'sen uya apurito' pe kuru iyese moro iyese tukai', miri awonsi'ki i'nai ri t_uwarinpanin nan e'ma iya tukai'.

⁷ Apurito' wini Nowa esi'p_u, t_upanama a'tai t_usensen pen ni pi', Papa nama t_uuya pi' a' kaa'p_u iya tam_ut_u pokon pe tepika'tito' yau. Iko'manto' wini apurito' yau non pon kon eno'ma'p_u iya, e'tane Papa uya tan_um_u kuu'p_u iya ipokena' pe e'nito' an_unnin pe apurito' iya wini.

⁸ Apurito' wini Ep_ura'an, t_uki'masa' a'tai t_uutito' pe pata t_upata'se' pe it_uton ya', uya apurip_u miripan uti'p_u, miri ya' uti tukai' i'tui'ma p_ura ri.

⁹ Apurito' wini t_upata oton koneka'p_u iya usauro'nisa' r_u'p_u ipi' nono yau, ka'k_uran pe ri innon

11:3 Iseneses 1:1; Eren 33:6, 9; Isaan 1:3 **11:4** Iseneses 4:3-10

11:5 Iseneses 5:21-24 (LXX) **11:7** Iseneses 6:13-22 **11:8**

Iseneses 12:1-5

ni pata yau; ta'porin tau iko'manpitɔ'pɛ, Aisi' miri awonsi'ki Seko' pokon ni niri uko'mamɔ'pɛ miri kasa, miri ri mari usauro'nisa' rɛ'pɛ ipi' eponin nan ipokon pe,

¹⁰ apɛne pɛra eke pata, tapon kenan, Papa nukoneka'pɛ miri awonsi'ki inami'pɛ enupikiri tesi kon wenai.

¹¹ Apurito' wini Epɛra'an, ipan pe kiyi' pe kuru ri iyenasa' e'tane—miri awonsi'ki Sera ri kanan e'tane umu'tan poken pɛra ri—to' ri umu'ta'pɛ, apɛne pɛra tɛusaurokɛ'pɛ awiri Papa esi tukai' apuri iya wenai.

¹² Miri kasa si pɛse ri tikin nan ni ka'pon apai, iyeri'sa' pe ri te'sen apai ri, tu'ke ri ipayan ton e'seporo'pɛ miri, itu'kanoro i'tu poken pɛra ri, siriki amɔ' ka' awon kon miri awonsi'ki wi'si' parau e'pi pon kasa ri.

¹³ Tanporo pɛsamoro ka'pon amɔ' uko'mamɔ' ri esi'pɛ apurito' wini tɛuma'ta kon a'tai ri. Usauro'nisa' ipi' rɛ'pɛ eporo'pɛ to' uya pen ni; to' uya riken ene'pɛ innonsi'ki miripan ereutanɛkɛ'pɛ to' uya. To' uya ekama'pɛ seri non esi tɛpata kon pe pɛra tukai'.

¹⁴ Ka'pon amɔ' miri tawon nan esi tɛpata kon kuru enupikiri te'san pe.

¹⁵ Tɛnniminɔ' kon tɛpata kon pi' to' usenuminka yau, to' ri enna'po'pɛ nesii'no.

¹⁶ E'tane ru'ku, wakɛ kuru pata, Epɛn pon enupikiri to' esi. Miri pe iyesi pi', Papa ipiyitɔ' pen

ni, to' e'to' itese' pi' ta a'tai tɔpi', apɔne pɔra to' pata konekasa' tɔuya pi'.

17 Apurito' wini Epɔra'an, Papa uya ti'tupitɔ a'tai, uya Aisi' tɔrɔ'pɔ tɔuse'mato' ike pe. Kari ri si usauro'nisa' rɔ'pɔ eponin nɔ'pɔ esi'pɔ tikin nan niken tɔmu ke use'man pi',

18 Papa uya ri, "Aisi' wini usauro'nisa' kon ipi' apayan ton uyepɔ miri,"* tasa' e'tane.

19 Epɔra'an uya i'tu Papa uya ri Aisi' i'mɔ'sa'ka ima'tato' apai tukai', Papa uya ri si Aisi' i'mɔ'sa'ka'pɔ iyeriku'pɔ apai kasa ri si.

20 Apurito' wini Aisi' uya Seko' miri awonsi'ki I'sa pɔrema'pɔ miri enta' to' uko'manto' pi'.

21 Apurito' wini Seko' uya teriku a'tai Isole' munki amɔ' pɔrema'pɔ to' kaisa ri, miripan e'tankasa' tɔteke'semu putu pona uya Papa apuripitɔ'pɔ.

22 Apurito' wini Isole', a'ko pe tɔweyu esi pi', isauroku'pɔ Esuwerɔ amɔ' utito' pi' Isi' apai miri awonsi'ki tɔyi'pɔ rɔ'pɔ ato' pe to' uya ta'kiri'nokon to' auro'ka'pɔ iya.

23 Apurito' wini Mosi' sanon uya onamɔ'pɔ osorɔwau kapɔi iyentu'pɔ awonsi'ki, apɔne pɔra wakɔ pe rɔ'kwɔ iyese ene'pɔ to' uya, miripan kon esi'pɔ kin maimu pi' to' enari'nɔmɔ pɔra ri.

24 Apurito' wini Mosi' esi'pɔ, tɔusemo'kasa' a'tai, Peero ensi mɔre ta i'se pɔra tɔpi'.

11:17 Iseneses 22:1-14 * 11:18 Iseneses 21:12 11:20 Iseneses 27:27-29, 39-40 11:21 Iseneses 47:31 (LXX); 48:1-20 11:22 Iseneses 50:24-25; E'sotas 13:19 11:23 E'sotas 2:2; 1:22 11:24 E'sotas 2:10-12

25 Papa munki amu' pokon pe tukota'mato' pe iye'kuu'pu, makoi eseru yau pori' pe tukoko'mamu namai' aka'ne' pe ri.

26 Kurai pikiri sapeman nito' esi epe'kena' pe Isi' pon mamin entai tukai' i'tu tauya ke, apune para tepe'pu inepapai tesi pi'.

27 Apurito' wini Isi' nimi'pu iya, kin sakorooi pi' te'namai' para; sa'man annau ri apune para tausensen pen ensa' tauya pi'.

28 Apurito' wini To' Epoi Itito' pi' enta'nan nito' tipiyaruka'pu iya. Miri a'tai, man pai'pai'mato' pe mura'ta wakapuri pona to' uya ikuu'pu iya, wapiya iyentusa' ma'tanu'nin uya wapiya iyentusa' Esuweru amu' mure ma'tanuku namai'.

29 Apurito' wini Esuweru amu' uya Isuweyu Parau ni'kwiri'nuku'pu a'mun non poro utin kasa ri; miri kupu i'se Isi' pon kon e'tane, to' aputa'pu.

30 Apurito' wini Iseri'ko wekupiri uta'mo'ka'pu, 7 kaisa ri wai iwoi Esuweru amu' utipitu'pu e'soru'mai'ma tupo.

31 Apurito' wini Reyapu, purata pikiri tekumasen, wini para iyesi'pu, main awiron kon pen pokon pe, apune para, ama'ai non ense itisa' kon ereutanu'sa' iya pi'.

32 I'ri ta uya miri enta'? Uweyu para man, Kitiyan pi', Para' pi', Sansun pi', Ise'ta pi', Tepi' pi', Sanweru pi', miri awonsi'ki pu'kena' amu' pi' usauroku weyu,

11:28 E'sotas 12:21-30 11:29 E'sotas 14:21-31 11:30
Isa'suwa 6:12-21 11:31 Isa'suwa 2:1-21; 6:22-25 11:32 Eseru
Aimenkanin Nan 6:11-8:32; 4:6-5:31; 13:2-16:31; 11:1-12:7; 1
Sanweru 16:1-1 Kin Amu' 2:11; 1 Sanweru 1:1-25:1

33 apurito' wini esa' wannı pe te'sen pata ton mo'kapı'nin nu'san, isi'kaisa ri ekamura te'san tarawasomapi'nin nu'san, usauro'nisa' ru'pu ipi' epopi'nin nu'san; rayan amu' mata a'kopi'nin nu'san,

34 apo' i'ni'panu'pi'nin nu'san, supara yi apai iyainansa' kon; i'si'mara to' e'to' enapi'sa' ru'san merunti pe; pana' pe to' enapitu'pu to' usewa'noma a'tai, miripan kon enapitu'pu innon kon soisai amu' entai kuru.

35 Uri'sami'si amu' uya iyeri'sa' kon tatonpa kon e'mu'sa'kasa' epopitu'pu. Turon kon kota'ma'pu ipan pe tunonka kon i'se pu'ra to' esi pi', waku te'mu'sa'kato' kon epoto' pe tuuya'nokon te'san teriku kon tupo.

36 Turon kon uya tupatakapitu kon moronka'pu tari'po'pitu kon, turon kon auronpitu'pu pariki'si ta' to' tupitu'pu to' uya.

37 To' wini'pu ti' ke; to' sara'mo'pu saka ke a'sa'muyai; supara ke to' wini'pu. To' upinimu'pu karimeru miri awonsi'ki kapirita pi'pi ipon pe, entu'ma', ikota'masa' pe e'ne' pe miri awonsi'ki iri pe ri iku'sa' pe— 38 non esi'pu waku pe pu'ra ri to' pona. To' usari'pu te'ma ke pu'ra ri rimono'ta awiri, wu' poro'ne ri, ti' euta nau'ne ri miri awonsi'ki non euta nau'ne ri.

39 Tanporo pusamoro apuripitu'pu to' uya apurito' pikiri, e'tane inu' uya ri ipi' usauro'nisa' ru'pu eporo'pu pen ni.

11:33 Taniyeru 6:1-27 11:34 Taniyeru 3:1-30 11:35 1 Kin Amu' 17:17-24; 2 Kin Amu' 4:25-37 11:36 1 Kin Amu' 22:26-27; 2 Kuro'no'kuru 18:25-26; Iseremaya 20:2; 37:15; 38:6 11:37 2 Kuro'no'kuru 24:21

40 Papa uya miri entaino kuru wak_u konekasa' uiwano' kon pe, uri'nokon pokon pe riken to' ekonekasa' e'to' pe wak_u pe.

12

Papa Uya T_umunki Am_u' Koneka Main Awiron Kon Pe

¹ Miri pe si iyese pi', tu'ke kuru ri kamoro iye'kup_u t_unene'p_u kon ekamanin nan esi pi' uwoi'nokon, eno'mapai'nokon tanporon ni uko'manuk_u kon pi' na'ne' miri awonsi'ki makoi upi'nokon ita'sisa' na'ne' sa'man pe ri, miri awonsi'ki eka'tun n_ipai'nokon ikup_u uya kuru tai'ma eka'tun nito' iyawiri pe iye'ma'kamasa' na'ne' awiri.

² Sises pi' uyenu kon tutuse e'n_ipai'nokon, apurito' piya'tinin n_u'p_u miri awonsi'ki wak_u pe ikonekanin n_u'p_u, pori' pe te'to' esi pi' tarau kurusu' moronkanin n_u'p_u, ipiyi'nito' t_unamai' p_ura ri, miri awonsi'ki si Papa apon enwo'net_u wini iyereuta'p_u.

³ Seri moronka'p_u iya pi' tewa'noma tane t_umakooikena' nan ka'pon am_u' uya pi' isenuminkati', iuseta'ka kon namai' miri awonsi'ki iyewan kon mo'ka auya'nokon namai'.

⁴ Makoi ya' iusewa'noma kon e'suranma yau, im_un_u kon enno'ka'sa' auya'nokon p_ura man.

⁵ Miri awonsi'ki main, "Umunki am_u," tawon pu'tika'n_u'sa' auya'nokon ipori'mapi'nin kon pe te'sen:

"Mooi, usennakan pe Itepuru uya main awiron pe
 ikonekato' k_u'kup_ui,
 iyewan k_u'mo'kai iyaseremek_u iya a'tai,

6 apune para Itepuru kari ri tani'nankanu ton konekanin main awiron kon pe, miri awonsi'ki tanporon kon tamu pe tnanumunu ton kota'ma iya,"*
tawon.

7 Sa'man imoronkati' main awiron kon pe ikoneka kon pe; Papa uya enpoika tamunki pe iwe'to' kon pe. Inu' moro mare esi'pu ikairanu nukonekanu pen main awiri iye'to' pe?

8 Main awiron pe tukonekasan pe para iwesi kon yau (taron kon koneka koro'tau main awiron pe), parau pe ri nin iwesi kon miri, i'nairon kon imunki pe iwesi kon pen ni.

9 Tukairanu kenan kon uri'nokon main awiron pe ukonekanin kon, miri pi' nin si to' namanin nan uri'nokon. Miri entai nin si, Epan pon Kairanu wanni ena' e'tun nito' pe iyesi miri awonsi'ki uko'man nito' pe!

10 Ukairanu kon uya main awiron kon pe ukoneka kon aka'nero' pe ri, waku pe taponanokon te'sen awiri; e'tane Papa uya main awiron pe ukoneka kon waku pe uku'nin kon pe, waku pe iye'to' yau ipokon pe e'nito' pe.

11 Main awiron pe e'nito' pe konekan a'tai waku pe pona wanni iyesi pen ni, e'tane e'ne' pe ri. E'tane ri emennu'pu ipokena' awiri te'sen pe e'nito', miri awonsi'ki tausewankamai' para e'nito' aku'pi'naku iya kamoro iwini isenupasa' kon iwano' pe.

12 Miri pe iyesi pi', kakuku pe te'sen iyemekon kon miri awonsi'ki i'si'man iyese'mu kon

12:6 Isopu 5:17 * 12:6 Ipu'ketu 3:11-12 (LXX)

imeruntitanu'ti'.

¹³ “Isi'kaisa ri a'ta kon e'ma ikonekati',”† ise'mesa' pe te'sen utakonomapitu namai', e'tane isepi'tito' pe.

Panaman Papa Nurunpanin Pe E'ni Namai'

¹⁴ Tusi'tui' iko'manti' tusewankamai' para tanporon kon ka'pon amu' pokon pe miri awonsi'ki waku pe te'san pe; waku pe te'san pe para esii'ma, inu' yan uya Itepuru ene para iyesei.

¹⁵ Tense e'ti' inu' uya ri waku nonkasa' Papa uya paremeku namai', miri awonsi'ki i'ne' mi' ri kusa'tanin ekaman ku'ton miri awonsi'ki tu'kan kon ma'tanu'ton pe.

¹⁶ Enti' inu' ri esi namai' tekumasen pe, miri pe para Papa i'tunin pe para I'sa kasa, tikin ite'kwa ri tenta'nato' epe' pe irui pe tesi neporonu kuru karupo'pomanin kasa.

¹⁷ Miri pata'pu pe, mi'tuyatui'ne' kasa, seri si taparemato' eporo i'se iyesei a'tai, inurunpa'pu si. Inkuu'pu ru'pu enna'po poken para iyesei'pu, tukaranse taparemato' warinpa tane iya ri.‡

¹⁸ Wu' piya' iuye'sa' kon pen ta'pi'sen miri awonsi'ki apo' nupo'tinu; ewarupi ya', ipan ewarupi miri awonsi'ki pana'pan a'setun;

¹⁹ taronpi' uturunto' ya', miri pe para main use-tato' ya', etanin nan e'to' miyari inetapai para ya',

12:12 Aisaya 35:3 † **12:13** Ipu'ketu 4:26 (LXX) **12:15** Isu'taronomi 29:18 (LXX) **12:16** Iseneses 25:29-34 ‡ **12:17** tūneporonu warinpa tane iya ri; miri pe para, taparemato' eporo i'se iye'tane. **12:17** Iseneses 27:30-40 **12:19** E'sotas 19:16-22; 20:18-21; Isu'taronomi 4:11-12; 5:22-27

20 ar_{ne} p_{ra} tapiyo'masa' kon ipi' moronka t_{uya}'nokon poken p_{ra} iyese pi': "O' uya ri w_a' a'p_i'sa' pe iyese yau, ti' ke iw_{ito}' pe iyese,"[§] tawon.

21 Nari'pa' ri iyese'p_a, Mosi' uya, "Et_{uipitu} utititima pi' man,"* ta'p_a miri pi'.

22 E'tane Sayan W_{up_a} pona i_{uye}'sa' kon, Ep_{un} pe te'sen Surusiran pona, nurinan Papa pata'se' eke kuru ya'. Tu'kan kon, tu'kan kon inser_a am_a' pori' pe iyam_{ra}sa' kon piya' i_{uye}'sa' kon,

23 iyim_{rewato}' ton imunki am_a' so'sii ta', itese' iye'menukapi'sa' kon Ep_{un} po. Papa piya' i_{uye}'sa' kon, tanporon kon eseru aimenkanin piya', ipokena' kon n_a'san a'kwar_a'p_a ton ekonekasa' wak_a pe piya',

24 Sises emenna' ekonekan nito' t_{uneporo}'p_a t_{unin} piya', m_{un} pai'pai'masa' wak_a pe pari imaimu t_{usauro}'sen Eper_a m_{un} entai.

25 Enti' k_{uri} t_{usauro}'sen nurunpa auya'nokon namai'. To' ain_{am_a} poken p_{ra} iye'sa' yau, k_{uri} non po t_{upanamanin} kon t_{nurunpai}', miri o'koi' pe' e'ni'nokon upanamanin kon Ep_{un} poi piyapai era'tin nisa'nokon yau?

26 Miri a'tai, imaimu uya non i'ki'ma'p_a, e'tane si seri pe isauro'sa' ikup_a t_{uya} pi', "Seri riken pe non niken i'ki'ma uya pen, e'tane ka' ri niri,"[†] tasa' iya.

27 Main ton, "Seri riken pe," nikayai'ne' uya ekama t_{usi}'ki'masen pe te'sen ama—ika'sa' ton pe te'sen—t_{usi}'ki'masen ton pen nin si e'to' pe moro.

28 Miri pe iyese pi', tesa' ke e'nito' yau t_{usi}'ki'masen pen eporo pi', tenki tapai'nokon,

§ 12:20 E'sotas 19:12-13 * 12:21 Isu'taronomi 9:19 12:24
Iseneses 4:10 12:25 E'sotas 20:22 † 12:26 Akiyai 2:6 (LXX)

miri awonsi'ki Papa apuripi'pai'nokon
ipori'manin pe inama miri awonsi'ki eke pe i'tuto'
wini,

²⁹ apune para, “Papa, itese' pi' e'nito' esi
ma'tanu'nin apo' pe ri,”[‡] tasa' iya.

13

Iu'matu Pe Panaman Nito'

¹ Tūusi'nankai' e'ti' isitonpa pe.

² Kipu'tika'tuu ka'kuran amū' ereutanu'to' pi',
miri ku'nin nan taron kon ka'pon amū' uya inseru
amū' ereutanuku'pu miri i'tui'ma para.

³ Pariki'si ta' a'sisa' kon tuku'se iyenu kon yau,
to' pokon pe ri a'sisa' pe iwesi kon pe te'ku'se, miri
awonsi'ki kamoro isi pe tukota'masan, imiri'nokon
ni ekota'ma pe.

⁴ Tanporon kon emari'man nito' namai, miri
awonsi'ki iyemari'masa' kon nesii tumaimu ru'pu
kon awiri, apune para temari'masa' e'tane iyeku-
masa' ru'pu miri awonsi'ki tanporo tekumasan
eseru aimenkato' oton Papa uya pi'.

⁵ Parata wenai tauta'kwarakai' para iko'manti',
iyenau'nokon na'ne' pi' ri tepori'mai' e'ti', apune
para Papa uya,

“Inimi uya para kuru iyesei;

inonka uya para kuru iyesei,”*

tasa'.

⁶ Uyenu kon yau si esii'ma ta seri,

“Itepuru esi upika'tinin pe; enari'namu para ri
iyesei.

[‡] 12:29 Isu'taronomi 4:24 13:2 Iseneses 18:1-8; 19:1-3 * 13:5
Isu'taronomi 31:6, 8 13:5 Isa'suwa 1:5

I'ri pe ken ka'pon uya ukup_u?"†
ta'nokon.

⁷ Iyepuru kon am_u' iku'ti' iyenu kon yau, Papa Maimu ekamanin n_u'san ipi'nokon. To' uko'mam_u'p_u otori'pi pi' isenuminkati', to' uya apurito' ipatakapi'ti'.

⁸ Sises K_urai k_uri ri, k_uri ri ri ko'mamiyau iye'sa' r_u'p_u, miri awonsi'ki seri pe, miri awonsi'ki inker_o' ri.

⁹ Ti'tui' p_ura ri ti'tupi'sen pen ni enupan nito' ayano'mati'nin. Wak_u pe ri iyese uyewan kon umeruntit_u' pe wak_u nonkasa' ke, kiyari ri pi' teseru ke e'nito' wini pen, ipi' tenta'nasan pika'tinin pen ni.

¹⁰ Moro use'man nito' apon esi ipoi kamoro ta'porin tau te't_urawasomasan enta'nato' itau pen ni.

¹¹ Use'man nito' t_urawasomanin nan epuru uya o' m_un_u r_u'p_u ari Ipan Wak_u Kuru Pata ya' makoi ku'sa' epe'p_u pe t_ut_usen, e'tane nin ipun n_u'p_u po'ti inni ri p_ur_oroi apai.

¹² Miri kasa ri mari, Sises ekota'ma'p_u e'ne' pe eke kuru pata m_ura'taai p_ur_oroi entau, wak_u pe t_umunk_i am_u' ekonekato' pe t_um_un_u wini.

¹³ Utinpai'nokon ipiya' inni pata apai, ipiyi'n_u'nin pe te'sen moronkai'.

¹⁴ Ap_une p_ura seri yau inke t_uko'mansen eke upata kon p_ura iyese, e'tane t_uuye'ton eke pata enupikiri e'ni'nokon seri.

¹⁵ Miri pe iyese pi', Sises poro miyari ri Papa ena' use'man pe apuripi'pai'nokon—m_uta t_urawasooi wini itese' pi' t_usauro'sen.

† 13:6 Eren 118:6-7 (LXX) 13:11 Ripaiti'kas 16:27

16 Wak_u ku'to' auya'nokon miri awonsi'ki itonpa kon pokon pe te'repai' iwe'to' kon ku'pu'tika'n_u't_u, seri warai use'man nito' esi Papa pori'manin pe.

17 Iyepuru kon am_u' maimu awiri e'ti', to' pana'pano o'no te't_use e'ti'. Apa'sima kon pi' to' esi, t_uusekama ton kon pe Papa pana ya'. To' maimu awiri e'ti' to' t_urawasooi e'to' pe pori' pe e'nito' pe, e'tape'ne' pe p_ura, miri uya ipika'ti kon p_ura iyesi.

18 Ina pona ip_uremati'. Ina uya i'tu ina ewan esi wak_u pe, ekam_un ku'sa' ina uya p_ura miri awonsi'ki tanporon yau ri wak_u pe t_unamasan pe iko'manpaino kon pe.

19 Iyekama'po uya 'nokon kuru iwip_urema kon pa, ipiya'nokon enna'poto' pe inke p_ura.

20 Tiwi Papa t_uusewankamai' p_ura e'nito' esa', siyaro' pe ekonekan nito' m_un_u poro iyeri'sa' uyepuru kon Sises i'm_u'sa'kanin n_u'p_u, kari ri eke kuru karimeru am_u' Pa'simanin,

21 irepai'nokon tanporon wak_u ton ke i'se iye'to' kup_u kon pa, miri awonsi'ki tiwi uyau'nokon n_ut_urawasomai t_upori'manin pe te'sen, Sises K_urai poro, itiwano' pe eke pe iku'to' nesii, inke ri, inke ri. Amen.

22 Utonpa ton, ipan pe iyekama'po uya 'nokon apanamato' kon uya eta kon pa, ap_une p_ura to'ken n_u'kw_i ri kareta menukasa' uya iyena'nokon.

23 I'tu auya'nokon i'se e'ai' utonpa ton Temu'ti si nonkasa' man. Seri pe iwa iye'sa' yau, iya'kiri uti miri iyense'nokon.

²⁴ Miyari ka'ti' iyepuru kon amu' pi' miri awonsi'ki tanporo Papa munki amu' pi'. Kamoro I'tari winon kon miyari nikayan ipi'nokon.

²⁵ Waku nonkasa' nesii ipiyau'nokon.

**Wakɛ Itekare: Emenna' Pe Ekonekan Nito'
New Testament in Akawaio (GY:ake:Akawaio)**

copyright © 2010 Wycliffe Bible Translators, Inc.

Language: Akawaio

Translation by: Wycliffe Bible Translators, Inc.

Akawaio

ake

Guyana

Copyright Information

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Akawaio

© 2010, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-21

PDF generated using Haiola and XeLaTeX on 18 Apr 2025 from source files dated 29 Jan 2022

0a50da4e-768d-5472-9dd1-d9747ff5918f